


卷一

瘦痧二症合編



劉松峯先生著

說疫全書

上海千頃堂藏板



南京中醫藥大學圖書館藏

民國十二年上海
千頃堂書局印行



原序

夫瘟疫之為病非風非寒非暑非熱乃天地間別有一種異氣所感其傳存九注治疫緊要關節奈何自古迄今從未有發明者仲景雖有傷寒論然其法始自友陽或傳陽明或傳少陽或三陽竟自傳胃蓋為外感風寒而設故其傳法與瘟疫自是迥別嗣後論之者紛紛不止數十家皆以傷寒為辭其於瘟疫症而甚畧之是以業醫者所說所誦連篇累牘俱係傷寒及其臨症悉見瘟疫求其真傷寒百無一二不知屠龍之藝雖成而無所施未免持鹿為馬矣余初按諸家咸謂春夏秋皆是溫病而傷寒必在冬時然歷年較之瘟疫四時皆有及究傷寒每至嚴寒雖有頭痛身痛惡寒無汗發熱總似太陽症至六七日失治未嘗傳經每用發散之劑一汗而解間有不藥而自解者並未嘗因失汗以致發黃譫語狂亂胎刺等症此皆感冒膚淺之病非真傷寒也傷寒感冒均係風寒不無輕重之殊究竟感冒居多傷寒希有況瘟疫與傷寒感受有霄壤之隔今鹿馬攸分益見傷寒世所絕少仲景以傷寒為急病倉卒失治多致傷生因立論以濟天下後世用心可謂仁矣然傷寒與瘟疫均急病也是書之作疫析多端書分六卷排摺精析疏櫛詳明語似創闢寔多根據其殆融徹於因緣起伏之奧而神參其變也歟其將率忉利天衆生壽者等相同歸大光明域種種善根如是如是

時

乾隆丙午年五月上院兄臻筠谷書於溪瀘之擢翠山房



叙

語曰不為良相則為良醫明乎良醫之變理陰陽胥一時而登諸仁壽與良相之贊
元調鼎者侔也余自幼好讀岐黃書壯而遠遊曰方欲求所謂良醫者領其卓識偉
論以正所學歷四十年所鬱吾懷迄無所遇而四方之志終未少頽弛夙聞東武山
川奇秀不減雁宕每神遊焉已耳常山間如東坡所謂隱君子者庶忻然遇之嗣聞
邑紳士顯緒王君輩談次間曾於諸城劉相國處遇其胞姪松峯溫文爾雅善古文詩
詞更精岐黃術余耳其名而未獲一共談論蓄懷時悵悵也因策蹇走七百餘里茲
松峯於東武之槎河山莊一見相得如平生歡其子濯西克紹家學精核醫理因出
所著說疫一書屬余弁言余受而讀之見疫症有相與微通者以病之少者尚諄
諄告世至於瘟疫多與傷寒百倍安忍反置勿論或謂瘟疫之症仲景原別有方
論歷年既久兵火湮沒即傷寒論乃稱散亡之餘王叔和立方造論謬稱全書瘟疫
之論未必不由散亡也明矣崇正辛巳疫氣流行山東浙省南北兩直感者尤多至
五六月益甚或至閤門傳染始發之際時師誤以傷寒法治之未嘗見其不治也或
病家誤聽七日當自愈不爾十四日必瘳因而失治有不及期而死者或有妄用峻
劑攻補失叙而死者或遇醫家見解不到心疑胆怯以急病用緩藥雖不即受其害
然遷延而致死比比皆是所感輕者尚獲僥倖感之重者更加失治枉死不可勝紀

嗟乎守古法不合令病以令病簡古書原無明論是以投劑不效醫者傍徨無措病者日近危篤病愈急投藥愈亂不死於病乃死於醫不死於醫乃始於聖經遺亡也吁千載以來何生民不幸如此余雖固陋靜以窮理格其所感之氣所入之門所受之處及其傳變之體平日所用歷效方法詳述於左以俟高明者正之時崇正壬午仲秋姑蘇洞庭吳有性書於淡淡齋



序

蓋聞陰陽之氣以相積而日雜人身之疾以牯多而日變古來傷寒諸書探索元微
證治精密固已盡乎傳變之奇詭矣而又或因時而異隨地而遷於是天地之偏氣
促發於空寂潛中於臟腑其為症也倣譎奇幻迭蕩諺誕有宿醫所未能驟決者內
經云天之邪氣感則害人五臟又曰邪風之至疾如風雨瘟疫之為義其結是與未
其爬抉調變消息通變之機非天下至神其孰能於與斯吾弟少習儒書中年因疫
累遂本儒理覃之醫學自素難靈樞以下諸書無不研究精劇志在利人不邀名譽
又於博參之暇與子秉錦輯有說疫一編其言曰諸症治法率按理路前賢著述脉
絡井然唯疫癘一症時地互更變化莫測而診理之道亦須鉤剔其元神明其意不
囿於古論不泥於成方其發症也如俊鶴之瞬扶秋毫其投劑也如偏師之直搗中
壘布之正正運之奇奇通之冥冥率之坦坦而四時八表五行百出之沴其終賊者
者寡矣間忝內典涅槃之論五根旨似合於先天論八觸義似通於後天具謂五塵
各損一藏又全會於六陽六陰之奧而所拈客塵偏諦則其三才融貫已括殆盡古
今畢舉搜羅無遺真足解千百年之疑團開瘟疫門之覺路其尤妙者析瘟疫之名
義分瘟疫為名種皆發前人所未發如所載瓜瓢軟脚赤膈黃耳痧瘡諸掙等疫癘
怪疾各有簡便良方針灸奇術皆能回春於瞬息奏效於目前真可參變陰陽起回

生紀則是有傷寒論於前不可無說疫書於後直於金匱名編表裡相成參互盡變
將胥天下後世而仁壽之即云與良相之業並垂千古亦奚不可之有是為序

時

乾隆丁未清和月福山年眷世弟劉嗣宗撰



南京中醫藥大學圖書館藏

讀論要言

吾聞詣造其極之為聖而聖亦不一焉故伯夷為清聖柳下惠為和聖張芝為草聖而杜工部則為詩中之聖凡以云詣其極也又可先生其殆瘟疫中之聖乎余所見醫書中談瘟疫皆言焉而不盡語焉而不詳甚至支離怪誕不可枚舉未有及又可瘟疫論之中正精微者所當奉為準繩師範慎勿被他說所誤瘟疫論即尊之為經當亦無愧彼鳥獸虫魚草木山海經者未可更僕承是書精言碩論皆發前聖所未發洵堪木鐸宇宙寶筏羣倫者乎然以論稱其習已久茲姑仍其舊以俟來許其寔是書真堪與素問靈樞鼎足千秋矣

瘟疫論原本疑是初脫之藁未經裁定故諸篇絕無倫次文章不能簡潔如正名應載篇首而反殿於末攻下當居汗後而反列於前方言雜氣盛衰而即繼以蛇厥吮逆正誨發班諸汗而即繼以參朮養陰倒置參錯不可枚舉茲特分為五卷使各以類相從曰諸論曰統治曰雜症曰撮要曰正訣取名瘟疫論類編令讀者入目了然以便誦習

又可先生卓識偉倫真乃冠絕今古獨闢蚕叢誠瘟疫門中字字金針無可訾議但論中行文處非涉短促即便拖沓且其吐屬多有格格乎其不能達者令稍為增減畧順文義不過令作者之心思曲曲傳出以畢伸其義蘊非敢師心自用輕

議前賢

原本標題其有不明顯不該括之處畧換數字務期隱括無遺第觀其命題而全篇之大意已見

原篇中間有刪除者俱係閒文絮語若稍關於醫理及症治者一該存錄取原書一對便知

瘟疫論久經行世凡有增減未敢深沒其文故仍錄全篇如舊縱有刪削不過兩頭拘出尚留其原字改者謹寫於旁增者別以小字總並存之以俟高明者去取焉論中原有醫按且總評並非一家故各標姓字以便觀覽至於頂上細評及篇中小註皆出管見無庸贅標論中有議論透闢識見精卓之處密圈之其字句之間或有當重讀當着眼者則用密點至於用單圈者亦係可取之句無關緊要者不過單點而已

類編一書乍閱其行槓內之拘添字形之大小似覺難讀或猝難理會但先看原文次看增刪便入目豁如不費神力

內經多係後人假托觀其文章可見即如尚書斷自唐虞其文辭佶屈聱牙非註解猝莫能醒內經若果係黃帝時書其文辭之古奧又不知更當何如者今觀其筆墨半似秦漢文字其為後人假托不少況乃屢經兵火不無錯簡魯魚勢所必

然孟子於武成尚取其二三策況乃他焉者乎

又可先生駁經論中冬傷於寒春必病溫等說入情入理真乃不刊之論我輩同道定當遵守萬勿薄今人而愛古人也

瘟疫論真為宇宙間最有用之書如仲景傷寒論頭緒繁多猝難誦習而世之患者絕少今所指為傷寒係瘟疫者十居其九況櫻此疾者多在春分以後秋分以前而五六月更多此時亦安有如許之沉寒痼冷傷人乎其為瘟疫也不待言矣昧者不察莫非取平日所習仲景書之法以之治瘟無惑乎枉死者眾也自是書出而習之者奉為宗匠摘疾者一七回春瘟疫歲歲不斷而皆可恃此泛應而曲當焉雖照乘之珠連城之璧不過是矣

又可先生以前諸家言瘟疫者於其得病之由無處追尋故立論多所同異訖無定見自是書出而瘟疫之理解治法始大白於世

習之者自當一心歸命毋涉他歧而生又可之後者談瘟疫仍宗冬傷於寒春必病溫等說斷乎不可

瘟疫一門鮮有能分析之者以余之所閱歷撮其要則有三焉一曰瘟疫之病最重類於傷寒即可先生所論者是也一曰寒疫又可雖辨其無余寔親見此症有醫案在松峯說疫書中其症感於冬時亦能發疹較之瘟疫甚輕未見有以此

殞命者一曰雜疫有名色者共七十二症病來甚速而殺人亦最捷此外如瘡痢
瀉嘔脹癰喘嗽諸痛瘡瘍種種雜症凡衆人所患相同者皆有疫氣以行乎其間
詳俱在松峯說疫中所謂染疫者又如此又可指論瘟疫一症耳而其篇中所指
名有曰瘟疫者有曰疫症者有曰瘟疫者有曰時疫者有曰時症者有曰霍亂者種
種不同便令人認症不確不得不亟行改正總以瘟疫二字稱之取其畫一以便觀覽
論中有應刪者自一字至數十字百字皆上下勾出而仍留其原文兩存之以俟
高明者去取至於改正之字句則寫小字於旁論中有應增者俱寫小字在每行
中央其葯方中炮製分兩原有者字較大新添者字較小以上數則其所以大小
殊觀中邊異位者總求其開卷了然免雷同莫辨

發凡

一談醫者動曰瘟疫豈知疫字所該甚廣疫乃瘟中之一症耳第其傳變類於傷寒為病最重故瘟病之名為世所習稱茲則增入雜疫一門其症多端治法不一而寒疫亦附於其後皆得以疫名之故是書名為說疫而不專以瘟疫名也書分六卷俱有次序首曰述古以耳目之所覩記凡有關疫症者必採擇以備考稽繼則深究其義蘊而明著其施療故論治次之疫症多端瘟特其一此外又得諸博採經驗者暈為雜疫一門以盡其變瘟疫與雜症不同治療少差禍不旋踵故辨疑孔亟焉論治後皆載有方唯通治避疫二項無可位置之處另立一門命曰諸方治疫不洞悉天時往往不效更以運氣殿諸後而法始全矣分為六卷不蔓不支斯其於疫症治療或無遺憾歟

一醫書有春溫夏溫秋溫冬溫風溫濕溫瘡溫毒溫疫熱病中暍瘧病中濕風濕中暑時症晚發暑風溫病霍亂等症俱彙入傷寒門中重見疊出彼此互異於疫無關一概不錄

一張景岳論瘟疫偏於補吳又可論瘟疫偏於瀉茲集治療補瀉溫涼務在隨症用藥絕不敢任一篇之見貽害後人

一是書方中多不載等分蓋一病之中一日之內其症之變遷靡定故用藥之分

兩亦當隨病加減貴臨時斟酌而用之至於通治避疫諸方有不應加減者悉依原方分兩

一醫書好醜不在詞華但文理不通終難問世茲書行文總不敢草率竊效古文筆法闡醫學義蘊有識者自能辨之

一脈學散見諸書瘟疫之脈亦不外浮沉遲數等候業醫者脈訣固所素習茲不多贅



疫痧二症合編

中西匯通醫書五種

每部十本定價一元六角

是書係廣延歧黃名宿從中西醫書刪繁節要創輯而成▲一醫經精義以西國之實驗證中醫之理論虛空以中學之元微摘西醫之治多疏略洵屬不偏不倚▲一本草問答論藥頗有條理氣味形性各得所宜▲一金匱要略淺註補及傷寒論淺註補正此二書註家林立而惟陳修園淺註最為詳備唐容川復正其舛誤補其罅漏參以神明遠象于中西醫學之中堪稱明白曉暢▲一血證論就內難兩經條分晰縷總之是書融貫中西誠醫學之大成也

大生要旨 全書二冊 定價一元六角 分六

六經方證通解

每部二冊

定價四角

周慎科

齋

幼

指南

指

每部二冊 定價四角

小兒藥

證直訣

每部二冊

定價洋二角

中西匯通醫書

上海中醫藥大學圖書館版權所有

瘟疫論類編目錄

卷之一諸論

正名論

傷寒與瘟疫不同論

瘟疫百端受邪則一論

陽症似陰論

治利不治熱論

行邪伏邪論

老少異治論

四損不可正治論

純用破氣藥論

服寒劑反熱論

急症急攻論

斟酌論

利旋害之不同論

卷之二統治

瘟疫病情總論

雜氣論

瘟疫歲歲不斷但有多寡輕重之不同論

傳變不常論

陰症世間罕有論

似表非表似裡非裡論

氣所傷不同論

昧症不應論

先後虛寔論

病之既虛且寔者當補瀉間用論

客邪膠固於血脉結為痼疾論

輕瘟疫誤治每成痼疾論

補瀉兼施與先瀉後補合論

妄投寒劑論

妄投補劑論

舍病治藥論

舍病治藥論

注意逐邪毋拘結糞論

因症數下

便宜臨時

解後宜養陰忌投參朮論

用參宜酌表裡更有暫

損復論



北京中醫藥大學圖書館藏